

中國方志叢書·華中地方·第七九三號

據

清·李士棻等修，胡業恆等纂
清同治八年刊本

影印

江西省

東鄉縣志

三

成文出版社有限公司印行

中華民國七十八年三月臺一版

東鄉縣志

共三冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

江西東鄉志卷十五之上

藝文志

藝文緣起漢代史家法之志乘因綜鄉國所見聞或采其篇或著其目以爲徵文考獻之資炎宋以後版印盛行著作多而流傳少方志所載未必皆藏自名山也邑中文學家以宋元爲盛至建縣後卓然成一家言者姓氏無多而碎金片玉辭章科舉之輩或勿加珍弄則傳鈔益鮮舊志藝文仿先正例因事附見轉嫌錯雜著述又錄存貼括體例亦乖今取文藝之有關掌故興作者輯爲一編備考據

而奇節勝游之表章題詠諸作并繫焉至鄉先正所譏次
悉依舊志備列之其中或顯或微或存或亡按目而徵其
不爲祖龍僊蠹取去者蓋亦僅爾志藝文第十四

藝文志目錄一

請東宮講學疏

明邑人

王廷垣

陳情終養疏

明邑人

謝德溥

代論建文君及遜國諸臣疏

明邑人

艾南英

陳時政疏

本朝邑人

吳鴻傳

丈量申文

其二

明知縣

諸大倫

荆國王文公祠堂記

宋陸子

極高明樓記

元吳澄

殷閣詞林記

明廖道南

東鄉縣城記

明洪範

修城記

明高應芳

重修城垣面石記

明知縣諸大倫

新改文昌門記

本朝知縣沈士秀

初建東鄉縣儒學記

明田汝耕

重修東鄉儒學記

明羅汝芳

孔侯重修文廟碑記

明邑人

謝德溥

重建文廟碑記

邑人

艾南英

濬儒學泮池碑記

邑人

徐良傳

重修儒學泮池闌干記

邑人

王志

學田記

邑人

徐良傳

啓聖名宦鄉賢祠記

明知縣

崔一濂

重修儒學及建名宦鄉賢祠記

知縣

諸大倫

重修城隍廟記

知縣

金枝

重建縣廳記

陳爓

建東鄉縣約所及修敬一亭記

知縣

諸大倫

建寅賓館記

知縣

諸大倫

重建按察司公館記

知縣

諸大倫

增修縣學記

本朝邑人

吳嵩梁

增修宮牆記

教諭

余佩蘭

新建明倫堂試院記

知縣

周鍾泰

改建忠義節孝二祠碑記

邑人

吳嵩梁

增修澣灣漕倉記

知縣

魯鏢

改建漕倉記

通判

邵自悅

重建架閣庫藏丈量冊籍記

邑人

梁奇

創建馬家集漕倉記

知縣

周溯賢

修建縣治內外廨記

本朝知縣

朱旋

重修坪棠公館記

知縣

朱旋

重修坪棠公館記

知縣

彭維熙

創建通汝閘記

知縣

周溯賢

江西東鄉縣志卷十五之上

藝文志一

請東宮講學疏

明 王廷垣

東宮講官左春坊左諭德兼翰林侍講臣王某謹奏爲南面
求治方銳東宮講學宜勤敢循職陳言遵儀講讀以端蒙養
以舉愚衷事臣聞傳說之訓王也曰惟學遜志務時敏孔子
之訓爲人父者亦曰愛之能勿勞乎乃知夫人一範於學之
中則自少至壯至老卽當勉於敏之一途而自夫子以至
齊康人無不竭誠於勞之一途也臣通籍十餘年備員

學未効銘刀新拜躬逢皇太子加冠講學浹旬承乏講讀草
茅如過千載一時矣時有勉臣者曰東宮講學甚難寒暑不
輟朝夕與俱載在儀注甚核也臣竊自喜曰以十餘年未効
馳驅之人一旦得所學且偕與敏焉偕與勞焉是官守之得
其職也邐他恤乎既而復睹皇太子體貌端莊音吐洪亮又
共歡呼而慶吾君之子以爲上達夙根下學當無苦難者乃
受事不遑屢荷傳免至三月而講讀者六疑於儀注若不相
似然猶以爲或月一至焉則聽猶未分於鴻鵠而禮亦可存
於餽羊未敢求多也乃近者禮臣以東宮講讀請又奉有東

請讀暫免以後俱照儀注行之旨夫學無止法今胡然而止也且儀注之爲令者久矣行之於後獨不可行之於今乎皇上之所暫免者不過謂皇太子沖齡且負睿質不必過爲督責耳不知禮自十年出就外傳出宿於外而大易亦曰山下出泉蒙君子以果行育德則爲敏與勞正可借此沖齡睿質而巽入之庶幾習與智長化與心成而無扞格不勝之患夫非聖功之當然也耶且皇上自入暑以來經筵者再召對者屢敏與勞亦旣身先之矣而獨令東宮晏安於深宮給事東宮者偃息於私寓而微臣舍講讀外別無以自効斯則謹

之所不敢出也。臣亦知帝王之學與韋布不同。聖讀之延對
睿翰之淵凝視微。臣之誦讀訓詁所得較多。然與其以深宮
學之爲私而隱孰若以大廷學之爲公而顯也。昔宋程頤從
經筵進劄曰。與近習處久熟則生褻慢。與士大夫處久熟則
生愛敬。而先臣馮琦請諭太子講學亦引之。則正可爲今日
他山之攻矣。伏乞皇上揭敷學之半總作述之全。借先天之
日乾鼓前星之朝氣。特諭皇太子講幃日臨而邁盛暑隆冬
或少爲通融以資藏息。則不惟東宮有所琢磨而羣僚亦有
所提掇以趨於事天下共仰就將之學而微。臣可幸免尸素

之譏矣臣濫列首班誼難緘默倘有一得乞賜采行臣無任
祈禱待命之至

陳情終養疏

謝德溥

原任南京國子監司業累陞詹事府少詹事兼翰林院侍讀
學士謝某謹奏爲臣職當盡母老無依懇乞聖慈俯容終養
事臣自庚午叨任南雍至壬申正月轉陞宮允卽於是冬十
一月丁臣父艱臣哀毀餘生伶仃萬狀杜門將母未忍刻離
過蒙聖恩累陞臣職去冬十二月接臣省布政司劄奉撫臣
解學龍票准吏部咨稱詞臣遵旨星馳赴京等因到臣臣捧

微悚惕若履淵冰當聖學緝熙之時元良養正之日輕塵微
露悉佐高深臣雖愚陋無知豈不感恩思効但臣孤苦特異
恒情臣母今年八十有八崦嵫暮景總不堪言臣兄弟五人
臣獨晚出四兄早歿又皆無子臣子皆幼臣妻又亡家世貧
寒別無甘旨惟有朝夕左右稍可得其歡心臣通籍一十九
年歷俸不過四載非緣內顧敢或曠官況臣母至今日衰一
日臣因母老倍切齧指之驚母念臣單益深牽裾之戀相依
爲命正惟此時察得大明會典侍親一款凡親老雖有兄弟
篤疾不能服事者准令終養又母老雖有兄弟同父異母者

亦准令終養今臣實無兄弟比之篤疾異母尤爲不同伏惟
聖上至孝至仁度越千古頃者恭上聖母徽號慶洽普天臣
不敢以山林之身濫干盛典所乞廣推浩蕩曲賜矜憐寬臣
負恩允臣終養臣卽速填溝壑不敢忘結草之誠也臣不勝
戰兢隕越瞻天待命之至

代論建文君及遜國諸臣疏

明 艾南英

南京禮部某司某謹奏爲仰遵集議明旨敬循職掌敷陳大
典洗發幽忠以培二百六十餘年養士之氣以慰太祖高皇
帝在天之靈以結諸臣屢請未伸之案伏祈聖明俯賜施

事臣竊謂自古至今求天下久安長治更無他策惟有人人知有忠義共戴君父則天下危而復安常能以弱爲強然長育培就風厲之責常在當時人主古今節義之盛無過東漢一時賢士至於棄妻子解印綬視死如歸百餘年間擅強大覬覦非望者皆顧畏名義不敢竊發漢能以亡爲存者百年考其所由光武敦尚名節卽位之初首旌卓茂處士嚴光待以不臣好尚所至遂成士俗我太祖高皇帝變爲華士矜廉恥元臣危素愧其不臣使司香余闕之廟放蔡子英俾從元主於和林一時人心丕變至於革除之際甘死如飴方鐵

周景從容就義大節凜然其餘有名無考有迹無名雜身傭
伍緇素黃冠之中流離終身雖太祖在天之靈當爲感動此
後四十八年正統己巳之變殉難矢身如李侍郎其人者當
十倍前事而寂無死綏仗節之臣以光華夏議者皆謂革除
諸臣忠義之氣摧殘已極人心頑鈍苟全身家不知廉恥推
其所由似非無因而致我皇上勵精求治側席思賢四年於
茲作天下以忠而不應風天下以廉而不應日求勇智功名
進取之士痛繩全軀僨事之臣而亦不應背主事仇進女招
降皆紳冠衿帶號爲士大夫視向時屈膝權璫假父義勇者